

Selain dari EEC

Dr. M: Asean pertubuhan serantau paling aktif

KUALA LUMPUR, Ahad — Datuk Seri Dr. Mahathir Mohamad mensifatkan ASEAN sebagai pertubuhan serantau paling aktif dan jaya dalam dunia di samping Persatuan Ekonomi Eropah (EEC).

Timbalan Perdana Menteri memberitahu satu mesyuarat persatuan ekonomi di Singapura semalam, realiti ASEAN dalam kerjasama politik dan ekonomi telahpun diperakui oleh semua pihak sekarang.

Mengenai kerjasama ASEAN, pengajaran-pengajaran bagi dekad lapan pua-han, beliau berkata rakyat dan negara lebih mungkin bekerjasama jika memahami antara satu sama lain dan sekiranya nilai-nilai dan kepercayaan bersama tidak dapat diwujudkan sekurang-kurangnya mereka memahami nilai-nilai dan adat resam masing-masing.

Datuk Seri Dr. Mahathir, yang juga Menteri Perdagangan dan Perindustrian, menyatakan pada satu masa nanti sebuah pasaran bersama ASEAN akan wujud, meskipun beliau berpendapat ia tidak akan sebebas seperti yang dikehendaki oleh orang-orang tertentu.

Langkah pertama mewujudkan pasaran bersama itu telah diambil menerusi potongan 10 peratus ke atas tarif mengenai perdagangan sesama ASEAN sendiri.

Dalam ucapannya yang dikeluarkan di sini, Datuk Seri Dr. Mahathir berpendapat lebih masa dan muhibbah diperlukan sebelum kerjasama ekonomi yang erat dapat dicapai.

Perang

"Bagaimanapun, kemajuan telah ditempuhi. Kini, beribu-ribu barang-barang ASEAN menerima layanan istimewa ketika memasuki negara-negara ASEAN walaupun potongan tarif masih kecil tetapi langkah pertama telah diambil," tambahnya.

ASEAN bukan kumpulan tentera seperti Pertubuhan Perjanjian Atlantik Utara (NATO) ataupun Pertubuhan Perjanjian Asia Tenggara yang dulu (SEATO).

Bagaimanapun terdapat kesan-kesan jelas peraturan pertahanan dua hala mempengaruhi keselamatan ASEAN sebagai sebuah kumpulan.

Walaupun sesebuah negara tidak semestinya bersama-sama perang sekiranya negara lain membuat ancaman persefahaman antara kerajaan-kerajaan dan angkatan tentera dan kebolehan bergerak bersama bermakna pertahanan bersama dapat ditegakkan dengan mudah lagi cepat, tegasnya.

Bahan asal dari Arkib
Negara Malaysia

No. Siri 11/455

No. Penerbitan 3268/8